



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ՎՏԱՐԱՆԴԻ
ՎԻՏՕՇԻ ԲԱԶԷՆ
ԺԸՆԵՎ 1906

891.99

4-28

Wheat

U.S. - Nov 218-40

NOV 2011

Վ. ՏԱՐԸՆԴԻ



ՎԻՏՈՇԻ ԲԱԶԷՆ

Գինի եւ երկաթ եմ ուզում,
Երկաթը՝ Բոնակայներին կործանելու,
Գինին՝ նրանց յուզարկաւորունք սօնելու...

ԿԱՐԿՈՒԶԻ

Հրատ.
„ԳՐՕՇԱԿԻ“

ՎԵՆԵՎ,
1906

891.99
Գ-28

897.39
9-28
Hamb. A. Arakelian
* Հ. Ա. Առաքելյան *
Ամսարամի Ա. Առաքելյան

15586

ՎՏԱՐԱՆԳԻ

(Արամ Գրեգորյան)

W

Վ Ի Տ Օ Շ Ի Բ Ա Ջ Է Ն

(3974)

Գինի և երկաթի հմ ուզում,
երկաթը՝ բռնակալներին կործանելու,
Գինին՝ մրանց յուզարկաւորումը առնելու...
ԿԱՐԴՈՒՉՉԻ

Հ.Ա.Խ.Հ. ՀԱՆՐԱՅԻՆ ԳՐԱԴԱՐԱՆ
Հ.Ս.Ր.Ա. Կրթական Բնակարան
7/31-1922
ԵՊՈՒՐՆԱԿԱՆ ԳՐԱԴԱՐԱՆ

Հ. Ա. Առաքելյան
Տ Պ Ա Ր Ա Ն

Վ Ը Ն Ե Վ
1906

Handwritten scribble

Handwritten scribble

16 JUL 2013

48755
4145

ՔՐԻՍՏԱՓՈՐԻ ԵՒ ԷԳԻԱՐԳԻ

ՅԻՇԱՏԱԿԻՆ

Գուց էիր միցել երկ մեզի մեհ,
Մեր Գալիլիս, Անկիւս, Յաղրուքեան հրակիչ,
Մեր մէջն եւ ապրում Գու սորանից յիս,
Մեր Խօսիլն, Բազկիլն ու Նալւամբիլն մէջ...

Վ Ի Տ Օ Շ Ի Բ Ա Ջ Է Ն

Ն Ա Խ Ե Ր Գ Ս Ն Ք

Դարերից ի վեր սե՛ւ սուգ է պատել,
Սե՛ւ սուգ է պատել Հայրենի երկրի՛ն,
Եւ հազարգլխեան վիշապի նրման
Չորեկ է հողի ցաւատանջ սրբաին
Ու կատաղօրէն արիւնն է ծրծում...
Եւ այն վայրերում վա՛ղ ժամանակից
Լըռել են թըռչունք, ծաղիլունք չեն ծաղիում,
Ո՛րք հովիտներում, մօխի՛ր դաշտերում
Փըշերի վերան հողմերն են վայում...
Եւ կականն ու լաց յուսահատ շային
Սահմանից սահման հընչելով անդուր
Անվերջ բողբ են անում երկրնքի՛ն,
Իսկ նա շիրմի պէս լուռ է և ամուլ...
Գիշերը լի է ահ ու սարսափով,
Ոճի՛րն անպատիժ իր հունձքն է անում,

1599-91 [79-90]

Պայծառ արևն էլ կո՛յր այրիի պէս
 խաւարած անցնում հայոց երկրնքով . . .
 Իսկ ժայռուա լեռներն՝ անմըռուեչ վրկայ
 Մեր անցեալ փառքին, ինչպէս շրջժայած
 Հըսկաների մի կուռ բանակ անդէն
 Նայում են անզօր՝ Մայր-հողով անցնող
 Բարբարոսութեան ահուկի վազքին,
 Եւ չը տեսնելու համար՝ մըշտական
 Մըշտուով իրանց աչքերն են ծածկում . . .

Հէնց այն օրւանից, երբ հայ շըրթուներ
 Ազատագրութեան քարոյն հընչեցրին
 Տըգէտ խուժանի ահանջներին խուլ,
 Իբրև պատասխան լայն լայն բացեցին
 Բանտի ու շիրմի երակներն անյագ . . .
 Եւ ամբողջ երկրում լաց ու կոծի հետ
 Ըսկըսեց լըսել ողբը բահերի,
 Իսկ հողը գըրկող ճամբաները մուժ
 Ցեղին արիւնով վերջալոյսեցին . . .
 Սըգաւեր եղան գաշտերը բերրի,
 Քաղաքներն անչէն, գիւղերը կործան,
 Եւ ուր որ հայ կար, որբ հայն էր ապրում,
 Ա՛խ, այն վայրերը հողից դուրս փորւած
 Գերեզմանների հաւասարեցին . . .
 Չը մընաց մի թիղ հող ամբողջ երկրում,
 Որ հայի արեամբ ներկւած չը լինէր,
 Ինչպէս երկրնքում ո՛չ մի գիշտախչ,
 Որ հայ գիակի կըտուց չը վարնէր . . .
 Եւ հայը տանջւած, հայը չարչարւած,
 Հայը մըրթըող, հայը խաչ հանող

Յուսահատութեան մի ճիչ արձակեց . . .
 Մի ճիչ ահուկի և աղիողորմ,
 Որից գահիճներն իսկ սարսըռացին,
 Բայց անարձագանք նա թըռաւ կորաւ,
 Գընաց խառնըւիլ այն բիւր ճիչերին,
 Որ անմեղ զոհերն ամեն հասակի՝
 Ձէնքի, մահակի տակ մեռած ժամին
 Իբրև հուր անէծք Արարչին թողին,
 Եւ որ թանձրացած տըրամութիւն ինչպէս
 Մեր ձորն ու հովիտ գագաղ ընտրեցին . . .



Վ Ր Է Թ Ը

Բայց այսքան արիւն, աւեր ու արցունք
Թ' երկինք ու Ազգեր թողին որ նիւթէք
Մի ցեղի հանդէպ, որի յանցանքն էր
Ազատագրութեան ջոհերը վառել,
Հայ տղերք սակայն չը հանդուրժեցին
Կեանքի ու պատւի սրբապղծութեան,
Թէև փոքրաթիւ, անտէր, անպաշտպան,
Ազնիւ սեպեցին կրուելով մեռնիլ,
Քան ըստրուկ ապրիլ հայրենի երկրում . . .
Եւ Գիւցազնական ճիգով ու մահով
Յուսահատութեան տեղ՝ ցեղին արւին
Գիւսազնութեան կուռ ուժն անըսպառ
Ընդդէմ կատաղած բռնակալութեան .
Կախաղանների կատարից հընչեց
Մահն արհամարհող ձայնն ահաբեկչին,
Զընդանում հայդուկն իր շրջան փըշրեց
Հայ ազատութեան ճիչով ղըղըրդիչ,
Եւ փառքի մի օր Ոճրի ոստանում՝
Մեծ մարդասպանի աչքերին առաջ
Զարդին, թալանին և ոճիրների

Հերոս հայ տղերք զարհուրանք սրփռած՝
Ռուսերի հըրդեհով պատասխանեցին . . .

Եւ հայրենիքի վերածընութեան
Կամքը ներշնչւած փառքի դարերից
Իր երկաթ ձեռքով կրուեց ու կոփեց
Ապրստամբութեան Աւխտը մարմարէ,
Որ երազանքի Գիցուհու նըման՝
Աւերակներում ոլորտ գործելով՝
Բովանդակ ցեղի հոգիներին մէջ
Սուրբ ասելութեան հուրբոցը վառեց . . .

Ու հին Տաւրոսի, Պարխարի, Կորդուաց
Հայրական հըսկայ բազուկների հետ,
Ամպրոպի նըման իրանց շանթածին
Նայւածքն ուղղեցին խաւարում գործող
Գող, արիւնկըզակ Գահիճների դէմ՝
Մասինն ու Նըպատ, Սիեանն ու Սեպուհ,
Քարքէնն ու Գրրգուռ, Խութնն ու Տալուրիկ,
Անտօքնն ու Նեբրովթ, Շուշարնն ու Ծաղկէն,
Ու սըրտերից սիրտ, հոգիից հոգի
Կրուի արծւիքը թևեր թափ տալով՝
Հին յիշատակը Աւարայր դաշտի
Նըման չը հանգած մի հըրբարուխի
Կըրկին լեռների ծոցում վառեցին . . .
Եւ թիթեռների երամի նըման
Լոյս ազատութեան սիրով գինովցած՝
Բովանդակ ցեղը եկաւ նետելու
Իր արևները ամենից պայծառ

Վերաբընդունող խառնարանին մէջ,
Վերածութեանց վերայ սրբազան
Յառաջդիմութեան մի նոր ասուշան
Վերականգնելու անձնուէր երդմամբ . . .

Ու տառապանքի հողը բիւրեղեայ
Վաղորդայնների հունձքովը յըղի՝
Վասպուրականից մինչև Երկրորդ-Հայք
Սրբազան ցաւից գալարեց, դողաց
Վ. Ըրէժի ահեղ վազքի քայլին տակ:

Իւ մատեան գունդը ըմբօստ Մայր-Երկրի՝
Սեաւի շիկահեր առիւծներն անահ,
Որոնց առնական շըլինքներն հըպարտ
Գերութեան շըլթան երբէք չը ճանչցան,
Ժայռուտ լեռների լանջից անառիկ
Մահահրբաւէր մուրնչիւններով
Բաշերը ցըցած դէպի թշնամին
Փառքի պայքարի նըշանը տըւին . . .
Ու մաքառոււմը մոլուցքի թափով
Վմիսներ տեւց սար ու ձորերում . . .

Հըրագէններից անընդհատ հօտող
Բոցերը հրեղէն ջըրվէժի նըման,
Իւ խուռ նիզակաց ճօճիւնն ու ճայթիւն
Իրար զարնըող շանթերի հանգոյն .
Զըրահի շառաչ; սուրերի շաչիւն,
Մարտագոռ երգի ժըխտոն ահուելի
Ցասկոտ ծովերի փոթորկումին պէս .
Հոգևարների ճիչը դիւային,

Աշտարակների փըլուզումն ահեղ,
Հըրկիզեալների վայունն արհաւիրտ,
Դիակի լերանց կոյտերը ճօճուող,
Արեան ցայտումը շէկ բոցերին տակ,
Վառօդի ամպոց թախիծը դըժնէ,
Պայթող ուռմբերի ժըպիտը դաժան . . .
Ողջակիզումին թափօրն ամեհի
Վերականգնելու վերայ տօնելով
Վ. Ըրիժածարաւ Մայր-հողի սըբտում
Յոյսի արշալոյսն էին հըրայրում .

Նոյնպէս քաջազարմ արծւիքն Արցախի
Դէպի Բագրևանդ, Բարձըր Հայք թըռան,
Լըծընկեց Յուլինն ու խրոխտ Վարազներ
Դէպի Աղձընիք ու հօւրուբերան
Սրբազան կըուին առաջնորդելու,
Ուր Դեղին Վագրերն, Յովազներն անահ
Խուժի կուսական անլոյս անտառից
Հայրենեաց սիրուն օգնութեան հասնող
Սէգ փիղերի հետ ամեհի, վայրագ,
Իրանց կայծակէ կուռ ժանիքներով
Ապառաժները անարգ Եղեռնի
Մոլեգին զարկով փըշըրտում էին . . .

Նաև հինաւուրց Վասպուրականի
Փանթիւրներն հուժկու և անագորոյն
Կորդուաց ու Մոկաց աշխարհից եկած
Ընձառիւծների հետ բազուկ բազկի՝
Քուրտի դիակաց տասնեակ բուրգերից
Դէպ նըւերական Ցաւրոսի շըլթան
Որտում էին ամպրոպի նըման
Յաղթական երգը յեղափոխութեան . . .

եւ դեռ Գամիրբից ու Երկրորդ-Հայքից,
 Գուգարբից, նոյնիսկ Փայտակարանից
 Ֆէտայիներէ խրմբերը արի
 Դէպի պայքարի գաշտերն ու կիրճեր
 Մոլեռանգորէն էրիվարեցին,
 Ծըլոլ ու ծողկոլ իրենց արևով
 Արգաւանդելու հողը Հայրենի,
 Որ իր վեցդարեան սեւ այրիութեան
 Գիշերներէց յետ վերջապէս ըզգաց
 Կողերից ծընող փրկութեան Այգի
 Հողերն անդրանիկ.
 Ու իր աւերակ աչքերը լացին
 Մարգարտածողկունքն անթառամ Յոյսին...

Սօսեաց անտառում զարթեցան կըրկին
 Ծերպերը դարձող արծւի կանչերից
 Հին զեփիւռները մեր գուշակաւոր,
 Էւ ծիծառների երամին նրման
 Նահանգից նահանգ, գաւառից գաւառ
 Աւերակները ողջագուրելով՝
 Արիւնին վերայ ծողկոլ-ծաւալոլ
 Ընկերական Նոր-Վեանքն աւետեցին...
 Իսկ եղեմացայտ մեր դետերը հին՝
 Արաքսն ու Տիգրիս, Եփրատն ու Ճորոխ
 Արածանիի, Մեղրագետի հետ
 Սուգի գաշտերում, սարահարթերում
 Անկախ հայրենեաց նախատօնակի
 Ազատ կարկաչը արձագանքելով՝
 Իրանց առիւծի բաշերը ճերմակ
 Դէպի բրնձութեան սահմանը ցըցած՝

Եղեռնի, Ոճրի մարտկոցներին դէմ
 Մըռնչում էին սահանակարկաչ...
 Իսկ Ազատութեան Գիցուհին հըպարտ
 Չարչարած հողի վերայ շըրջելով՝
 Թիարաններում ու զընդաններում
 Շըղթայի զարկած քաջերին անյոյս
 Գերութեան կեանքի վախճանն աւետեց:

Բայց աւա՛ղ, Այգը ազատ օրերի,
 Որ ծընունդ առաւ հողի խաւերում,
 Իր Արշալոյսը չը բըռնկեցրեց
 Արիւնաշաղախ Մայր-հողի կըրծքին:
 Աւրդ չը ծողկեցաւ այն հողի վերան,
 Ուր հայդուկները քաջաբար ընկան...
 Միայն յիշատակ թողին պատմութեան
 Բարկէնն ու Պետօն, Գուրգէնն ու Աաղգէն,
 Սերօր, Արաքօ, Հըրայր, Արամեան,
 Թէ հայն էլ գիտէ մեռնիլ քաջաբար...
 Անթիւ են հայի տըւած հերոսներ,
 Ամեն մի աւան իր Առիւծն ունի.
 Հայ Ֆէդայիի գընդակն անվըրէ-վ
 Առած է դարձել քըրդերի միջին,
 Նոցա գործերը դեռ մինչև այսօր
 Ապրում են նոյնիսկ թըշնամու սրբաում,
 Էւ մայրերն իրանց երեսաներին
 Օրօր երգելիս գովում են անվերջ
 Շէնրկցի Գըրգօն, Ազամն ու Կըրպօն,
 Գըրգօի հարսը՝ Շաքէն գահապէժ,
 Էւ որի համար խորին հաւատարմ
 Ատում են ճերմակ մի արծիւ դարձած՝

Անտօքի վըրայ ձագն է խընամում,
 Որ մեծանալով՝ տէր է դառնալու
 Քըրդերի բըռնած տափաստաններին...
 Քըրդուհին լերանց հովասուն լանջում
 Գառն արածելիս կամ ջուր կըրելիս
 Իր երգերի մէջ հայդուկն է գովում
 Նորա գանգրահեր գըլուխը սիրուն,
 Որ փառքի բընով հանգչում է սարում:
 Իսկ ցեղապետներն իրար մօտ գալիս
 Երբ յիշում են քաջ Գուժանն ու Վարդան
 Եւ նոցա մըղած մարտն ու արշաւանք,
 Միշտ ափսոսում են այն վառ տըղերանց,
 Որ գընդակների տարափին ներքե
 Անխախտ ժայռերի նըման կըուելով
 Մինչ վերջին փամփուշտ՝ երգելով ընկան...
 Իսկ տաճիկ զօրքը գեռ մինչև այսօր
 Սարսափ տարածող Սերօքից յետոյ
 Քաջ Անդրանիկի ըսուերն է տեսնում
 Սասնոյ ամեն մի ժայռի կատարում:

Գար ու դարաւանդ հայրենի հողին,
 Լեռներ ու գաշտեր, ձոր ու ծըմակներ
 Գահիճ արքայի երդումի գըրժմամբ
 Խորին սուգ մըտան կըրկնայրու նըման:
 Ցաւատանջ մայրը հայ աղբիւրների՝
 Արաքսը վըշտոտ, Արաքսը պըղտոր
 Անգօր վըրէժի ցաւից կատաղած՝
 Ըսկըսեց կըրծել ափերն արիւնոտ
 Եւ վիրաւորւած առիւծի լացով՝
 Աւերակների միջով սողոսկիլ:

Սրին էր կաթում գործիչի սըրտից
 Տեսնելով ցեղը լուսաւոր դարում
 Մի Բորենիի կամքին յանձնըւած
 Նորա տունն ու տեղ, որը կեանքն ու պատիւ:
 Լեզուն էր ծամում անհուն կըսկիծից
 Տեսնելով շարքը մահով նօսրացած
 Անձնազոհ խըմբին յեղափոխութեան,
 Եւ նոցա ճիզը ա՛խ գերմարդկային
 Բըռնակալութեան փըշով պըսակւած...

Ամբողջ երկիրը տըրւած կըրակի
 Սոսկալի պատկեր էր ներկայացնում,
 Հարուստն ու աղքատը այլևս հաւասար
 Երկուսն էլ կարօտ էին չոր հացի:
 Գէ՛տք էր ըսպաննել սուլթանն արիւնուշտ
 Սուլթանն աւազակ, սուլթանն ուխտադրուժ...
 Նա՛ էր աղբիւրը ամեն շարիքի,
 Եւ քանի գեռ նա Գլուխն էր երկրի
 Հայը մի զոհ էր քըմահաճոյքի:
 Սուլթանն ըսպաննել... ա՛խ, կա՞ր մի ուղեղ,
 Որի մէջ հըպարտ չը թեւարաղիւէր
 Այդ երազը սէգ, երազը խիզախ,
 Նոր-կեանքից առաջ հայը հօգւար
 Այդ կուզէր լըսել, Սուլթանն ըսպաննւած...

Պայքարից յոգնած, տըրտում, սըգաւոր
 Ռահվիրաները հայ ազատութեան
 Իրար մօտ եկած խորհուրդի նըստան՝
 Արիւնաթաթախ ցած բըռնակալի
 Մահաւըճիւրը յայտարարելու...

Այդ էր պահանջում վերէժը արգար,
 Այդ էր աղերսում ազգը տառապող,
 Աչքերը փակող արի ֆէտային
 Այդ կրտակ թողեց իրա յաջորդին:
 Սուլթանն ըսպաննել . . . ախ, սակայն ի նչպէս,
 Դա մի երազ էր շիրագործւելիք.
 Ի՞նչպէս մտնեալ այն պարիսպներին,
 Որոնց յետևում պաշտպանւած էր նա
 Զինւած պահակով ցորեկ ու գիշեր:
 Մարդկային ուժից բայց վեր էր դառնալ
 Ահեղ փոթորիկ սոււմբերով լեցւած,
 Շէշտակի վաղքով գընալ ու պայթիլ
 Դահիճ՝ Սուլթանի պալատի դիմաց.
 Կամ դառնալ արծիւ, անգըղ գիշատիչ
 Ու պատուհանից ներս խուժել յանկարծ,
 Էւ այն ուղեղը, որ ջաջգն յըղացաւ,
 Պողպատէ կրտսով ցըրիւ տալ գանկից,
 Ելլ կերպ գըժւար էր մտնեալ նորան . . .
 Այս ծանրը հարցում օգնութեան հասան
 Ռազմիկ ընկերներ հեռու աշխարհից,
 Որ միաբերան յայտարարեցին
 Թէ իրենց թողած երկրում կոյ մի լեռ,
 Որին Վիտօշա անունն են տալիս,
 Որ իր ժայռակուռ գագաթը հըպարտ
 Ամպերից վեր է պահում շարունակ,
 Լանջերի վերայ մինչդեռ աշխարհի
 Ամենամթին ամպերն են չարում,
 Որոնց ահուկի սև ամպրոպներից
 Սատակեցուցիչ շանթեր են ժայթքում:
 Այդ այն լեռն է որ բըռնակալ ցեղի

Յարձակումներին կուրծք տըւեց ուժգին
 Էւ իր ամպերից թափած շանթերով
 Բընաջինչ արեց բանակր տաճկին.
 Առաջարկեցին տըղերք ուղարկել
 Երթալու Վիտօշ՝ լեռը փըրկութեան՝
 Խըլելու համար ամպրոպից շանթեր
 Եւ այդ շանթերով գընալ սատկեցնել
 Մարգասպա'ն արբան:)))

Մըռայլւած դէմքերն իսկոյն պարզեցին
 Վրէժի յագեցման հեռանըկարով,
 Եւ վետերանը յեղափոխութեան
 Իր դիւցազնական անձնըկրութեամբ
 Պահանջեց, որ ինքն երթայ Վիտօշա
 Խըլելու շանթը ամպրոպի ծոցից:
 Ոչ մի աղերսանք իր ընկերներից
 Չը կարողացան մըտքից յետ կացնել . . .
 Նա հայրն էր հայի, հայրը ճշմարիտ
 Եւ ցեղի վըրէժն էր ապրում իր մէջ.
 Ախ, ինքն առանձին այնքան էր տանջում,
 Որքան ողջ ցեղը առած միասին,
 Եւ արժանի էր որ կեանքը զօհէր
 Մի հըսկայական վեհ ծըրագըրի:
 Նա ամբողջ կեանքում միշտ ցոյց էր տըւել,
 Թէ իր կըրծքի տակ մի սիրտ էր կըրում,
 Մի սիրտ, որ բաց էր ամենքի առաջ,
 Ով հալածւած էր բըռնակալներից.
 Շատ ու շատ գէպքում կըսկիծով լեցւած
 Նա առաջ նետեց զինւորի նըման
 Կեանքը զօհելու պաշտպանած դատին,

Բայց թախանձանքը իր ընկերների
 Մի կերպ պահեցին կեանքը թանկագին :
 կեանքն այդ օրւանից ա՛խ նորա համար
 Ծանրը բեռ դարձաւ, շրջժայ տանջանքի .
 Վրկայ լինելով ամեն օր և ժամ
 Հայի գրբական բընաջընջումին,
 Քունը մոռացաւ միշտ մըտածելով
 Թէ այնքան անլուր ոճիրներից յետ
 Հողը կուլ չէր տալ մարպասպան արբան,
 Մինչդեռ հայ անմեղ զոհերի համար
 Էլ փոս փորելու գետին չը մընաց . . .
 Եթէ յանձն առաւ ցաւով շունչ քաշել,
 Նորա համար էր, որ մի օր անձամբ
 Դէմ գիմաց կանգնած մարդասպանի հետ,
 Եւ ամբողջ ցեղի վըրէժով լեցւած՝
 Ռուսներով նորանից հաշիւ պահանջի,
 Կա ցանկանում էր խընայած կեանքի
 Գիշերը գըրկել վե՛հ վերջալոյսով .
 Այդ բոպէն արդէն հասած տեսնելով
 Չինակիցներից հըրաժեշտ առած՝
 Դէպի Վիտօշա նա թըռաւ գընաց . . .



Բ Ա Ջ Է Ի Ե Ր Գ Ը

108-667

1599-91

Ու այսպէս երգեց ազա՛տ բարձունքում
 Վրիժառու Բագէն իր սըլացքին մէջ .
 — յՆաղաղութիւն Չեղ, հայ նահատակներ,
 Դուք որ պայքարի ահագանգին հետ
 Երբ շեփօրեցաւ մահը անողոք
 Բըռնակալութեան աշտարակներից
 Լուծը թօթափող ըմբոստ հայերին,
 Յուսահատութեան, սուգի յարկերից
 Դուրս գալով մահւան ճանապարհներում
 Անձնըլիութեան թափօր կազմեցիք,
 Ու Չեր արիւնով հողը ներկելով
 Ընկաք անտըրտունջ ռազմագաշտերում .
 Դուք ուխտեալներդ արդար վըրէժին,
 Ուխտաւորներդ անբասիր փառքին,
 Մեծ Գարբիներդ լոյս խաղաղութեան,
 Դուք որ տատասկի դաժան դաշտերում
 Հայ հըպարտութեան շուշաններն անբիժ
 Առնական բազկով քաղելուց յետոյ՝
 Պէս պէս Մահերից ու Զարհուրանքից
 Սահմըռկած հողին դուք նըւէր բերիք
 Առաւօտները ձեր բեղուն կեանքի,
 Որպէսզի վայոյզ բուի փոխարէն

Ծիծուան հետ թառին հայ երգիչներին
Ոսկի շողերը վառ արշալոյսին . . .

Խաղաղութիւն ջեզ, քաջ ֆէտոյիներ,
Որ կըռւի դիրքում մահամերձ ընկած
Չեր գիշերացող նայածքով վագրի
Եղեռնի որդոց հետքը փրնտուեցիք,
Ու ձեր սըրտերում դեռ չը յագեցած
Սուրբ ատելութեան իժերը ծարաւ
Չեր մարմարացող կուրծքը ճեղքելով՝
Դէպի թըշնամու շարքն ուղղուեցին.
Եւ դեռ ձեր կեանքի վերջին վայրկեանում
Օգնութիւն էիք աղերսում անլուռ
Երեսի վերայ ձեզ դարձրնելու
Դէպի թըշնամին սողալ կըրնալու՝
Չեր պատառ պատառ եղած մարմինով
Ան մի անգամ էլ, և վերջին անգամ
Կըռիւ մըղելու մեծ փառքին համար . . .

Ողջոյն ջեզ, անբաղդ հայ խըմբապետներ,
Որ ինչպէս անբոյն արծւիք հալածուած
Ընդհարումների ապառաժներից
Նայում էք երկրին և արիւն լալիս,
Ուր կատարեցին ձեր աչքին առաջ
Բարբարոսութեան դաժան ու անլուր
Չարչարանքն ահեղ, նախճիրներն անգութ,
Եւ Գուբ ձեր հըպարտ անգորութեան մէջ
Կարօտցաք մահին, չուզեցիք ապրիլ,
Քանի որ անգոր էիք արգիլել
Քըռնակալութեան վազքը ահուելի

Անտեր, տնպաշտպան հայ ցեղի գըլխով . . .
Բայց յիշատակը ընկած քաջերի
Եւ լուսապայծառ ապագան հայի
Արևշողի պէս ձեր տըրտում սըրտից
Թուլութեան ամպը շուտ փարատեցին .
Եւ Գուբ երկուցիք կըրկին ու կըրկին
Կեանքը թանկ ծախել լրկաի թըշնամուն . . .
Թո՛ղ որ պատնէշին, զըրահապատին
Չեր սըրտերի հետ հոգիներդ անահ
Ու վըրէժխընդիր ձեր կամքն առնական
Անբեկանելի թող պողպատ դառնայ,
Չեր նայածքները թող ներոնանան,
Դատաստանները դահճորդոց համար
Մինչ խաղաղութիւն թող մոլսխանան,
Որպէսզի հողին վերայ կըրկնայրի
Պաշտպան ունենայ վըրէժն հայութեան,
Որպէսզի ձեր տեղ արիւնով ներկած
Ապառաժները բողբ չը բառնան,
Որպէսզի լըռէ գերեզմաններից
Բարձրացող ձայնը անմեղ զոհերի,
Եւ սըրածութեան յաճախանքները
Չեր փառքի քայլը սուգով չը պատեն . . .
Եւ որովհետև մայր արևին տակ
Ոճիրն անպատիժ չի կարող մընալ,
Վըստահ եղէք որ վաղ թէ անագան
Բոցեղէն սըրով ապըստամըութեան
Անարգ եղեռնի զաւկըներն անգութ
Դէպի գերեզման Գուբ պիտի քըշէք . . .

Ողջոյն ձեզ տանջուած բոյրեր, եղբայրներ,
Որ ի՛նչ որ սուգի մէջ մահն էք հոռոտում

Այնքան ահաբեկի զըրկանքից յետոյ
 Էլ չէք ցանկանում՝ ապրել աշխարհում:
 Չեր տունը աւեր, ձեր սիրտը աւեր,
 Գերեզմանների վերայ էք քայլում,
 Արցունք էք ուզում ձեր վիշտը լալու,
 Սարսափից սակայն այդ էլ է ցամքել...
 Չեր ցաւով այրած, ձեր վըշտով խամրած
 Քաջասիրտ տղերք գուրս եկան կըուի,
 Չեր կեանքը կըրծող վիշտալը սուգին
 Վառօդի այրուղ ծըխում խեղդելու:
 Ուխտի օրերում, փառքի օրերում
 Առանց կրկիւզի և անգաւաճան
 Նոքա կուրծք տըւին քըրդին ու զօրքին,
 Ընկան գիմագրաւ, ձեր սուգը սակայն
 Նոցա սրբազան դիակաց վերան
 Սև յաղթանակի թափօրը կազմեց...
 Քայց միթէ՞ պիտի կրնաք հանգուրժել
 Այնքան զըրկանքին ու տառապանքին,
 Միթէ՞ յաւիտեան դահիճ արքային
 Դուք պիտի մընաք ըստրուկ ու գերի:
 Է՛լ բաւ է, ինչքան ձեր մէջ հեկեկաց
 Անպաշտպան այրին իր լացովն անվերջ,
 Տըղամարդն է որ սորանից յետոյ
 Յաջորգելու է լացող այրիին.
 Նա խօսելու է անլաց ու հըպարտ
 Արուից, պայքարից, վըրէժից արդար,
 Պահանջելու է նա բըռնակալից
 Հաշիւը անթիւ իր ոճիրներին:
 Լեռներ, կուռ լեռներ, օրինակ տըւէք
 Ըստրուկ կեանքի մէջ թուլացած հային.

Թէ ինչպէս դարեր գուք ընջ էք սըւել
 Փոթօրիկներին, շանթերին ահեղ
 Իւ սակայն գարձեալ ամպերի միջում
 Անխախտ ու կանգուն ապրում էք ալատ:
 Թող ձեր հաւքերը սիրտ սան խեղճ հային,
 Ժայռերն ամրացնեն թողի բաղուկներ,
 Իւ ձեր ամփոփօխ զիրքն յաւերժական
 Հայը մայր-հողին յաւիտեան կապեն:
 Եւ դուք մայրենի գետեր տըխրանուշ,
 Որ այնքան արին-արցունք կուլ տըւէք,
 Չեր պըղտոր ալիքն ու ցասկոտ յորձանք
 Թող հային ուղմի քայլերգեր հընչեն:
 Հեռո՛ւ ձեզանից կըսկիծն ու հառաչ
 Սուրբ կատաղութեամբ ըսպառաղինեւած
 Պըւըրէժ՝ գոռացէք ձեր որբ ասիերում
 Գեռ լուռ ծըխացող աւերակներին...
 Հովասո՛ւն գաշտեր, մարմանդ արօտներ,
 Էգեմն կըքեմնի, ա՛խ այժըմ՝ խօսան,
 Ինչպէս ծիծառներ հայի նոր-գարնան,
 Չեր հովերն այցի զըրկեցէք թըշտու
 Խըրճիթների մէջ ողբակոծ Հային.
 Թող պատմեն նորա կարմիր կրագում
 Թէ անվախճան չէ՛ տառապանքն հայի.
 Թէ պայծառ օրեր, թէ ալ վարդ օրեր
 Պիտի ողջունեն հողը հայրենի,
 Թէ ազատութեան մօրենիի պէս
 Հայոց լեռներում պիտի բըռընկի
 Անշէջ արշալոյսն հայի նոր-կեանքի.
 Իւ սուրբ վըրէժի յագուրդից յետոյ
 Խաղաղութիւնը պիտի տարածէ

Արդար վաստակի ծիրանին ոսկի
Յորենի յուռթի դաշտերի վերան:

Իսկ դուք հայրենի սօսեաց անտառներ,
Դուք ինձ չէք տեսնիլ էլ փախըստական՝
Ապաստան գրտած ձեր պուրակներում:
Էլ չէք լրսելու վըշտի ժամերում
Իմ խո՛ր հառաչանքն ու լացն անարցունք:
Թողնում եմ ընդմիշտ տուն ու հայրենիք,
Հայի դարեոր ցաւից ու սուգից
Հանգիստս ու քունըս խպառ կորցըրած՝
Գընում եմ փընտոել ոճրագործ արքան
Հայի արիւնով դեռ չը կըշտացած:
Կախաղան ելած հերոս հայորդին,
Անշիրիմ թաղած ֆէդայիք անթիւ,
Թըշնամուց սև հաց մուրացող այրին,
Գերեւած աղջըկունք, անարգած հարսներ,
Անլեզու որբը վաճառքի հանւած,—
Վըրէժ են խընդրում, վըրէժ աղերսում...
Միշտ կուրծք պիտի տալ, պիտի մաքառել,
Քանի արիւն կայ մեր երակներում,
Քանի բազուկը կարող է շարժել,
Ռումբ պիտի նետել թըշնամու ճակտին.
Թէ դէնքը խըլեն, փայտով ու քարով
Պիտի մաքառել, թէ այդ էլ խըլեն,
Բըռունցքով պիտի դարնել թըշնամուն,
Իսկ թէ բազուկն էլ կըարէ թըշնամին,
Յուլի պէս գըլխով պիտի պաշտպանւել:
Թէ վիճակւած է ամբողջ հայ ազգին
Բնաջինջ լինել հայրենի երկրում,

Թո՛ղ գոնէ մեռնենք մինչև վերջին մարդ
Անսիրտ թըշնամուն դիմադըրելով,
Որպէսզի տըրտում սև բուերի տեղ
Հայ ազգի մահը արծւիքը ողբան.
Էւ արեատապ անապատներում
Առիւծն ու վագըրը ժայռերի ծերպից
Առնական ազգի թաղումը սըգան...
Դէ՛հ, մընաք բարև, թող այսուհետև
Ամեն հայ մահւան գագաթից քայլէ,
Մինչև որ ծագէ մեր երկրին արև
Էւ հայ արեան մէջ ծխածան կապէ՞:

Այսպէս վերջացրեց իր երգը բազէն,
Եւ նայւածքը շեշտ, մարգարէական
Նետեց սարերին հայոց ձիւնապատ
Ու խո՛ր հառաչեց ներկան յիշելով
Քաղաքներն աւեր, գիւղերն անընակ,
Գաշտերի ծաղկունք արեամբ բորբոսնած.
Երգ ու պարի տեղ սահմանից սահման
Հայածւող հայի հեծկըտանքի հետ
Լըսւում է դահճի բըրբիջն անվախճան...

Բայց յուսահատւիլ նա չէր իմանում.
Եւ ամեն անգամ աղէտի պահին
Ներշընչել էր նա միշտ եռանդ ու գործ
Մաքառումներից յուսահատ գործչին.
Հաւատում էր նա մոլեռանդօրէն
Հայի ապագայ ազատ օրերին...
Եւ արգելքը գոռ, ամպը սևաթոյր,
Որ ուշացնում էր Արշալոյսն հայի,

Համարում էր նա արքան մարդասպան,
 Իր խորաթափանց հոգու խորքերից
 Հաւատում էր միշտ ժողովուրդների
 Եղբայրակցութեան բընագգին հըզօր,
 Եւ գիտէր որ լոկ արքաներն էին
 Ոճրագործութեան որումը ցանոզ
 Այլազան ցեղի ժողովուրդների
 Եղբայրակցութեան հունձքի դաշտերում . . .

Եւ յանկարծ խըրոխտ դէպ հեռուն նայեց
 Այն կողմ, ուր գահիճ Աուլթանն արիւնոտ
 Պարըսպպաշտպան պալատի խորքում
 Իր ոսկըրացած ձեռքը ճակատին
 Հայ ազգի ջընջման խորհուրդն է խորհում . . .
 Եւ լեցւած ցեղի դառն ատելութեամբ
 Ռազմի զլէ քըբքիշն արձակեց օդում
 Վաղը յիշելով, երբ շանթով զինւած
 Ինքը կանգնած է Գահճի յանդիման,
 Հըպարտ խոյանքով նորան յօտենում
 Եւ հարւածներով շանթեղէն ուււմքի
 Իր ոտքերի տակ գիակը փըռում:
 Ու յետոյ ինքը կախողան եյած
 Հայ ազատութեան ճիշը շըբմներին
 Հըպարտ ժըպիտով մեռնում անարբտունջ
 Շիջող նայածքը հայ երկրին գամած . . .
 Եւ ազան օրւան երազով հարբած
 Մոռացած ցան ու տառապանքն արգի՛
 Սըլացաւ արագ դէպի Վիտօշա,
 Ազատ դարբնոցը ահեղ շանթերի:

Վ Ի Տ Օ Շ

Բերրի դաշտերում, վառ արօտներում
 Կանգնած է հըպարտ ժայռուս Վիտօշան,
 Ազատ ծերպերում արձուկն են թառում,
 Վիրաւոր բաղէն, անգղը ծերացած
 Նորա ձորերն են գերեզման ընտրում:
 Հոծ կարաւանը սե սե ամպերի
 Նորա լանջերում հանգիստ է առնում,
 Մինչգեռ արևը կոյս պայծառութեամբ
 Շողում է յաւերժ նորա կատարում:
 Մութ փապարներում և քարայրներում
 Օձերն են սողում լըսին շարքերով,
 Վարազն ու յովազ պահւած կիրճերում
 Որսն են պատառում սուր ժանիքներով:
 Դարերով կանգուն ժայռերն անսասան
 Շանթերից այրւած կուրծքերը ցըցած
 Անձնատուր եղած անվերջ երազին
 Դիտում հայրական գորովի ժըպտով
 Հեզ այծեամեների երամին սիրուն,
 Որ առաւօտից մինչ արևամուտ
 Ժայռերից ժայռ են ուրախ ցատկըտում:
 Եւ աղբիւրներն ու ջըրվէժներն հուժկու
 Մանկական երգը զլէ հընչեցնելով
 Շանթատապ կըրծքից հըսկայ ժայռերի

Գէպի դաշտերն են գահալէժ վազում,
 Իսկ դալարապատ փեշերի վերայ
 Յաւիտենական մարմարի փոխւած
 Իր փառքի քընում երազում անվերջ
 Շունչին տակ մեծցած անյաղթ Նվիրակին,
 Որ իր մայրական խընամքին ներքև
 Ռազմի պատգամը քարացած ճակտին
 Կազմ ըսպասում է ահաւոր ժամին,
 Երբ նենգ թըշնամին փորձէ յետ խըլել
 Աղատութիւնը հըպարտ Վիտօշին:
 Ասում են թէ երբ ամպերն են գոռում
 Շանթերը ուժգին ժայռերին բաղխում,
 Քարէ աչքերը քաջ Առիւծորդուն
 Զահերի նըման լոյս են արձակում...
 Եւ ամեն տարի շըքեղ հանգէտով
 Իր կախաղանի փառահանգ մահաւան
 Տօնն է կատարում ժողովուրդն ազատ.
 Հերարձակ աղջկունք ծաղիկ են ցանում
 Հայրենիքի Մեծ որդու արձանին,
 Երիտասարդներ երգումը կըրկնում
 Կեանքերը զոհել հայրենեաց շահին,
 Հարսները գաղանի սարսուռով լեցւած
 Արձանի առաջ երկիւղածութեամբ
 Չոքած աղօթք են մըրմընջում լըռին՝
 Առիւծորդիներ ծընելու համար:
 Իսկ ծերունիներն արցունքն աչքերին
 Համբոյրով ծածկում ճակատը քաջին,
 Որ ազատութիւն տըւեց Քուրգարին:
 Ան գեռ նոցա մէջ թարմ են այն օրեր,
 Երբ ըստրուկ էին մեզ նըման թուրքին,

Նոյնն էին բաշում, ինչ մենք ենք քաշում,
 Նոյն սուգն ու արիւն, նոյն ցաւն ու կըսկիծ.
 Նոցա երկիրն էլ անսպաս դարձած
 Արեան սաւանն էր առած իր կըրծքին,
 Նոցա երկրումն էլ ցաւի լացի հետ
 Լըսում էր միայն շըղթայի շառաչ...
 Քայց Առիւծորդին իր ընկերներով
 Ծանր ու արիւնոտ պայքարներից յետ
 Իր կախաղանի յիսուսեան մահով
 Հայրենեաց համար ազատ կեանք գընեց:
 Եւ այն օրւանից դաշտերը նորից
 Գոյնըզգոյն ծաղկունք ծոցից հանեցին,
 Վըտարւած թըռչունք նորից յետ եկան,
 Շինականի ժիր երգը կեանք առաւ:
 Աւերակները վերաշինեցան,
 Անընակ վայրեր նորից լեցեցան.
 Աշխատանքի հետ վառ երգն ու ծիծաղ
 Յաջորդեց լացին, սուգին, շըղթային,
 Եւ ողջ երկիրը յարութիւն առած
 Ըսկըսեց ծաղկիլ վարդի պէս գարնան:

Ինչպէս մի հըսկայ դագաղ անբարբառ
 Վիտօշն է նիրհում խաւարում թաղւած.
 Աստղերի բոլը երկընքի խորքից
 Հըսկում են ինչպէս հուր աչքեր անլաց...
 Միայն լըսում է մերթ ընդ մերթ ընդհատ
 Սոյլը օձերի, թուիչքն արծիւի,
 Յովազի ճիչը ձորերի միջից
 Կամ ժայռն ըշտապող վազքը այծեամի
 Անթափանցելի մացառուտներից:

Իսկ ջըրվէժները մեղմագին բայլով
 Յաւիտենական երգը կըրկնելով
 Օրօր են ասում ժայռուտ հըսկային...
 Լուսինը յոգնած մերթ կանգ է առնում
 Նորա երկնամբարձ ժայռերի ծայրին
 Եւ հանգիստն առած լուռ շարունակում
 Յաւիտենական ուղին երկնային...
 Վեհ է ամեն ինչ սարսուռ է աղբում
 Վիտօշի տեսքը գիշերւայ պահին.
 Հըպարտ ժայռերը շանթերից սեցած
 Կարծես բարացած օրհներգներ լինին
 Ապրտամբուլթեան նահատակների
 Անմոռանալի անունին ձօնած...

Կէս գիշերն անց էր, երբ ձագուկին հետ
 Հայ բազէն յոգնած հասաւ Վիտօշա,
 Համբուրեց հողը և հանգիստ առաւ
 Առիւծորդի արձանին առաջ:
 Այդտեղ նա պիտի ըսպասէր ժամին,
 Երբ փոթորիկը աշխարհասասան
 Շանթեր կը շընչէր լերան կատարին...
 Բիւրուոր մըտքեր, անթիւ պատկերներ
 Իրար յետեից եկան ու անցան.
 Արի ձագուկը կըրծքին պինդ սեղմած
 Մինչև փոթորիկ քուն զըրեց նորան,
 Ինքը երազին մինչդեռ անձնատուր
 Հայ հողն յիշելով խորունկ հառաչեց...
 Արդեօք ինք պիտի կըրնա՞ր յաջողել
 Շանթ խրլել ահեղ ամպրոպի ծոցից,
 Աւ պիտի կըրնա՞ր թըռչել անարգել

Մայրաքաղաքը ոճրագործութեան...
 Պիտի յաջողի՞ր դէմ զիմաց կանգնել
 Մարգասպանների գըլուխ արբային
 Եւ իր կայծակի շեշտակի զարկով
 Սատակը փըռել ոտքերի տակին...
 Եւ ակամայից մի վայրկեան տըխրեց.
 Մահէան միտքը չէր տըխրութեան պատճառ,
 Անարգում էր նա մահն ու վախ մահէան.
 Անյաջողութեան կասկածն էր միայն,
 Որ պարզ ճակատը կընձիռով ծածկեց,
 Եւ արի բազէն, որ կեանքում երբէք
 Արցունք չէ՛ր թափել, արտասուց այդտեղ,
 Եւ արտասուքի այրող շիթերից
 Չագուկը խորունկ քընից ըսթափեց,
 Որ համբուրելով աչքերը թըրջած
 Պատմեց երազը հօր գըրկում տեսած.
 — Պե՛նք կանգնած էինք շանթերով զինւած
 Թուրք ազօթատան հըրապարակում,
 Ուր դահիճ արքան արիւնոտ ձեռքով
 Ազօթ էր անում իրանց Ատըրձուն:
 Յանկարծ դուրս եկաւ. պահակներն արթուն
 Շըրջապատեցին զինուց անտառով,
 Դու ինձ հետք առած սըլացար թափով
 Եւ ահեղ ճիչով նըշանը տըրիք
 Շանթի տարափը թափելու վերան...
 Զօրք, իշխան, կառք, ձի, ցած սուլթանի հետ
 Մի ակընթարթում երկնակամարում
 Հողմերից քըշուղ ցընցոտու նըման
 Տարուբերեցին և կըտոր կըտոր

Փըլած մըզկիթի քարերի վերան
Արիւնշաղախ խառնիխուռն ընկան՝...

Իսպառ փարատեց անյաջողութեան
Կասկածը մաշող բազէի սըրտից,
Հըպարտ ձագուկին համբուրած ուժգին
Որոշեց ելլել բարձունքը լեռան,
Այնտեղ ըսպասել շանթոտ փոթորկին:
Եւ մինչգեռ նորա հըրածեշտ տըւած
Զինակցի անմահ լուռ յիշատակին,
Դէպի Ախտօշի բարձունքը թըռան,
Ուր խուռն հողմերը մութ ծործորներում
Մըրըրկահաւի կանչից արթընցած
Իրենց ժայռեղէն անկողիններից
Թըռչող օձերի վոճմակի նըման
Դէպի ամպերը ուղևորեցան...
Հողմերի վազքից ցընցեց Ախտօշան
Դագաղից յառնող հսկայի նըման,
Արծւիք ճըչացին իրանց բոյներում,
Սարսափած այծեամն գահավէժ եղաւ.
Յովաղն ու Աարազ վախից բըռնըւած
Քարայրի անլոյս խորքում պահեցան...
Հասան սեւթոյր ամպերն հողմավար
Հեիհնէ երկրի չորս հորիզոնից
Եւ մահ տարածող բանակի նըման
Ժայռերի շուրջը տեղաւորեցան:
Եւ վայրկենաբար մըռայլ ծոցերում
Լուսաթոյր հըգեհ վառեցին ահեղ,
Որին յաջորդեց մըռունչն ամեհի
Վիշապախըռիւ մութ ամպրոպների...

Ամպերը խանձող, ժայռը գահավէժ,
Շանթահար վայող սողունն ու գազան
Ուժն էին պատմում, ուժը վըկայում
Մռայլ Ախտօշի անվըրէպ շանթին...
Բազէն ձագուկով մի ժայռում թառած
Խոր տըպաւորւած շանթերի զարկով
Յիշում էր զոհը—մարգասպան արքան
Ժայռի պէս ընկած իր հարւածի տակ,
Եւ պատրաստում էր դէպ շանթեր թըռչել,
Երբ ձագն անհամբեր գերագոյն ճիգով
Թըռաւ ամպրոպը և կախւած մընաց
Շանթերի անշէլ կըրակէ ցանցում...
Առանց յապաղման Բազէն ճըչալով
Դէպի ձագուկը նետի պէս թըռաւ,
Հասաւ ու գըրկեց. երկուսով մէկտեղ
Այրեցին իսկոյն շանթերի բոցում...

Ախտօշն այդ տեսաւ և ժայռոտ բերնից
Կըսկիծի ճիչը արձակեց ուժգին,
Հողմերը լալով դէպ Մասիս թըռան
Գուժելու մահը իր մեծ Զաւակին:
Շանթերը մարան, ամպերը կորան,
Աստղերը որպէս մահաւան կերտներ
Թախծոտ շողացին Ախտօշի վերան...
Արծւիքը սուգի թափօր կազմեցին
Գովելով մահը անահ Բազէին,
Եւ Գայլն ու Աարազ մինչև առաւօտ
Ցաւի վայրենով ձորերում լացին...

Առաւօտեան դէմ սև լուրը գուժկան
Բալկանի հրակայ սարերը ցընցեց,
Ու ամեն կողմից ուխտի պէս եկան
Չինակիցները Բազէի թաղման:
Բայց անմահ Բազէն իր ձագուկի հետ
Նոքա չը գըտան և ոչ մի վայրում...
Առասպել թէ զըրոյց, մի լուր տարածեց,
Թէ ողջ է Բազէն ձագով միասին,
Թէ նոքա շանթեր խըլած ամպրոպից
Չորերն են իջել հանգիստ առնելու,
Ուր երկու ճերմակ կատաղի Յովազ
Հըսկում են որպէս պաշտպաններ արի,
Մինչև որ պատգամ գայ հին Մասիսից,
Թէ հայ ցեղն ամբողջ կեցել է ոտքի.
Այդ ժամին նոքա վեր պիտի կենան,
Յովազների հետ պիտի արշաւեն
Դէպի ապրտամբ երկիրն հայրենի:

Մինչև որ կը գայ Մասիսից պատգամ
եւ կ'աւետէ ժամն ապրտամբութեան,
Բազէն ձագուկով, ամեն մի անգամ
Երբ սև ամպեր են ծածկում Վիտօշան
եւ ամպրոպները գուռում մըռընչում,
Ամպերի վերայ նըստած անստան
Պաշարի համար շանթեր է խլում...



Հ Ա Յ Յ Ե Ղ . Գ Ա Շ Ն Ա ՚ Կ Յ Ո Ւ Թ Ե Ա Ն

Հ Բ Ե Տ Ա Բ Ե Կ Ո Ւ Թ Ի Կ Ն Ե Բ Ը

	ճր. ս.
1. Ազգաստրական ոգի (սպանում)10
2. Յեղափոխական կեանքից (սպան.)65
3. Գույցնի սպարան (սպան.)05
4. Դիտական սոցիալիզմ. Ֆ. ԷՆԳԵԼՍ (սպան.)40
5. Հայ Յեղ. Դաւանակցութեան ծրագիր. (Բ. սպար.)	—
6. Կարկանդակ խմբի արձանագր. (սպան.)20
7. Կարկոյ յեւասակին (Չորս նոտան) ,,50
8. Հ. Յ. Գ. Երրորդ բնի. ժողովի անկազմութիւնը	—
9. Գրքիցներ, Homo homini lupus, ՎԱՐԴԵՂՍ (սպան.)20
10. Երթաւորներին. Պ. ԱՐՄՊՕՏԿՆՆ. (սպան.)20
11. Ազգաստրական հանապարհին. ՎԱՐԻՔ. Ա. (սպան.)30
12. ,, ,, ,, ,, Բ. ,,60
13. Անբոխային քաւարանութիւն. ԷԼԼԷՆԻ. (սպան.)50
14. Ազգաստրական հանապարհին. ՎԱՐԻՔ. Գ. ,,30
15. Հայասան եւ Մակեդոնիա.50
16. Կովկասեան վերեր. Է. ԱՅՆՈՒՆԵ.	3.00
17. Հայրենիքի գաղափար. Մ. ՎԱՐՍՆԳԵԱՆ (սպան.)	1.00
18. Կազմակերպական կանոններ.	—
19. ԳԼԿԻ ԿԵԼԻ. Է. ԱՅՆՈՒՆԵ.	2.00
(Կովկաս՝ 1 րուլի, Ամերիկա՝ 1/2 դոլար).	
20. Յեղափոխականներ. Ս. ՆԻՐՎԱՆԵԱՆ (սպան.)20
21. Կոխազիմ Կովկասեան գործունէութեան. (Բ. սպ.)	—
22. Подвиги партиза. В. Арапетки.50
23. Les tueries de Bakou A. ARAZI20
24. Յեղափոխական գաւն.20
25. Հ. Յ. Գ. Երրորդ բնի. ժողովի անկազմութիւնը.	—
26. Կոյ Մանկասկաններին (քուրերէն)10
27. Les Plaies du Caucase E. AKNOUNI	2.00
28. Ազգաստրական հանապարհին. ՎԱՐԻՔ. Գ. գրեղի.40
29. Մեծ մարդասպանի դէմ (Իսսախարութիւն)50
30. Վիսոժի բազմն. ՎԱՐՍՆԳԻ.50
31. Յեղափոխականի մահերը. ԳԲ. ՄԻՔՍՅԷԼԵԱՆԻ	—
(Մամուլի սակ)	

Դիմել՝ «Գրոշակ»ի խմբագրութեան, Ժ ը մ ե վ :

«Ազգային գրադարան



NL0356602

48735

